


ЯНВАРТЬ

21-це шистонза 1941 кизоня

9 (1805)

ПИТНЕЦ 5 тр.



ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛИСЕНДИ

9-це КИЗОСЪ

Адресъ: г. Саранск,  
Советская ул., Дом печати.

## ОД ЛОМАТТНЕНЬ КЕЛЬГОМА ЗАНЯТИАСНА

Минь, од ломаттне, нефтема келькасак эсь социалистический родинань-конь, эсь большевистский партиань-конь, эсь мудрай учителень-конь и другонь-конь — великий Сталинъ. Миллиотт юноша и подростка оцю радостьса и гордостьса арьсикхъ Рабоче-Крестьянский Якстерь Армияса служамать колга, родной модань-конь араламанц колга. Социализмась од ломаттненди максъ панчфоке-панжи эряф, тейнза панчъ кели ки знаниятненди, творчество, и од ломаттненди аш мезевок сяда благодарнай, сяда оцю, кода эрь шиня, эрь частоня партиятъ и правительствать заботаснон честь мархта оправдандамац.

Всеобщай воинский обязанность колга законц школьникенъ энергичеснон кепозезень нинге сядонга вярй. Синь эздост кажнайсь эсь принц достойнай-ста аноклакшнесы Якстерь Армияса служамати, синь ученический скомья лангста сямомок отличнайста тонафнесазъ военной знаниянь основатненъ.

Школаса военной обучениась анокласыне учащайхненъ родинать инголе воинский долгснот пашкодема, максы тейст коммунизмать инкса боеонъ моральной и физический высокой качества. Аш мезе и доказывать, што ты дисциплинась неизмерима благотворнайста влияет школьной-работать сембе процессонц лангс: кемокшнесы школаса дисциплинаць, ученикенъ воспитывает точности, аккуратности, организованности, кепсесы синь ответственностьснот учебнай заданиятненъ пашкодемаснон инкса.

Вов мезенкса эрь учениксь пяк кельксы военный тевть, и синь эздост кажнайсь ты дисциплинаць тонафнесы пяк оцю интересса.

Посоп велень (Саранский район) средний школанъ ученикне Богачев Ванясь, Бородулин Витясь, Коротков Мишась, Ключев Ванясь, Баранов Шурась и илятне ты фкл инь важнай дисциплинаць тонафнемаса няфнихть аныцек отличнай показателхъ. Няг сембе ученикне военной тевть отличнайста тонафнемдонза башка пяк оцю вииса аноклайхть лыжной комсомольский кроссти. Синь сидеста тиендихть лыжной вылазкат и перехотт.

Военный тевть оцю воодушевленияса тонафнесазъ Ковылкинский 43-пе № железнодорожной, Торбеевский райононъ Виндрей поселканъ, Саранск ошень 1-це № средний школанъ ученикне. Тысята предметъ коряс ученикенъ отметкасна аныцек цебарьхъ и отличнайхъ.

Эрь школатъ инголе ащи почетнай задача — воспитандакшнемс образованнай, Якстерь Армиять рядонзонды достойнай пополнения, родинати нефтема преданнай поколения. Эрь преподавательсь, школанъ эрь военруксь обязатты задавать честь мархта пашкодеманыцты пугоме сембе вийснон.

Школьной комсомольский организациятненъ задачасна ащи сянъ эса, штоба од ломаттненди неустанна азонткшнемс всеобщай воинский обязанность колга законць глубокой политической смыслай, нинге сядонга пяк касфтомс ученикенъ интереснон военнай тевти. Школьной комсомольский организациятне должетт етафнемс докладт и беседат Якстерь Армиять и Военно-Морской флотъ созданияса Ленинъ и Сталинъ исторический деятельностьснот колга, революциять легендарнай полководецонзон — Фрунзет, Ворошиловъ, Тимошенко, Буденный, Куликъ, Шапошниковъ, Чапаевъ, Щорсть эряфснон и боевой подвижеснон колга. Комсомольский организациятне должетт лездемс пионерский отрядтненди тифтама содержательнай, интереснай докладонъ и беседанъ етафтомаса.

Военный знаниятненъ мархта инь инголи должетт овладеть комсомолецне. ВЛКСМ-нь ЦК-ть IX пленумонц обязал сембе комсомолецненъ, штоба неустанна касфнемс военнай знаниятненъ, виемс оборонно-воспитательнай работа од ломаттненъ эткса. Ты пингтъ республиканъ школатненъ эса етафневи массовай обороннай оцю работа. Кемоттъ тежяты ученик эсь лангзост сямъ обязательства, штоба РККА-ть XXIII-пе годовщинац честь полнайста максомс норматненъ ВС, ПВХО, ГСО значокненди и тилонъ норматненъ — ГТО значокти. Аф кржа школанъ ученик эсь лангзост сямъ обязательстваснон пашкоткшнесазъ честь мархта. Школаса оборонно-воспитательнай работать цебарьста ладямац начальнай и допризывнай подготовкать отличнайста тонадоманцы ащи залогос.

Народнай образованния оргаттне и школьной комсомольский организациятне школаса военной тевть преподаванияц и массово-обороннай работать нинге сядонга цебарьгофтоманц инкса должетт мобилизовандамс сембе вийснон.

Боеонъ поколениянь воспитандамась — школатъ оцю и ответственный задачац, конанъ сон пашкодъсь честь мархта.

## 100 ТЪОЖАНЬ КОМСОМОЛЕЦ МАКСОЗЪ ЛЫЖНОЙ НОРМАСНОН

Ушедсь Якстерь Армиять XXIII годовщинац лемса Всесоюзной лыжной кроссти и маршевай соревнованиятненди комсомольский организациятненъ анокшиснон смотрац. Аф полный сведениятненъ коряс, конат получафт 52 областень, крайнь и республиканъ эзда, вастова организовандаф 228 тежянь команда. Синь эсост лувондови

1.142 тежянь цѣра и стирь.

Систематический тренировкатненъ вельде 100-шка тежянь комсомолец максозъ ни ГТО-нь лыжной нормаснон. И тиконъ мархта сатф права кросса участиянди. Командатненъ комплектовандамасна и тренировкасна стаки мольфетихть.

(ТАСС).

## СВОБОДНОЙ ПИНГСТА

Занятияда меле Каньгуш велень школьникне эсь свободнай пингснон етафнесазъ свежай кожфса.

Можна няемс лама ученик лыжаса, конькаса курькснема.

А урокснонды анокламда меле яксикхъ изба-читальня, коса лувондыхъ

интереснай книгат, журналхъ и газетат.

Тяфтане етафнесазъ эсь свободнай пингснон Каньгушский средний школанъ ученикне.

Егор Кидямкин.

Ельниковский район.



СНИМКАСА: В. И. Ленин.

Рисунокъ Ф. Литвинов художникъ. (ТАСС).

## В. И. ЛЕНИНОВЪ ПРОИЗВЕДЕНИЯДОНЗА 136,5 МИЛЛИОТТ ЭКЗЕМПЛЯР

В. И. Ленинъ произведенияса исключительна келиста распространнайхть Советский Союза. Всесоюзной Книжной палатасъ анокласъ тани предварительнай даннайхъ Владимир Ильичъ трудонзон 1917-пе кизоста сямомок 1940-це кизоти модемс изданиаснон колга. В. И. Ленинъ работанза рузонъ кяльса светс лисеть ты пингста 115,2 миллиотт экземпляр и лия кяльса — 21,3 миллиотт экземпляр. Ленинъ сембе трудонзон общай тиражесна советский власть кизонзон пингста пачкодъ 136,5 миллиотт экземплярс.

Кизоста-кизос переиздаются Ленинъ произведенияса. Аныцек этай кизоня синь лисеть светс 38 кяльса 8,8 миллиотт экземпляр тиражса.

Инь пяк келиста распространнайхть тыфтама работанза: «Имперализм как высшая стадия капитализма», кона изданнай 25 кяльса 2.869 тежяты экземпляр, «Государство и революция», кона лисеть 22 кяльса 2.303 тежяты экземпляр, «Что такое «друзья народа» и как они воюют против социал-демократов?», конанъ тиражес 2.138 тежяты экземпляр. Пятай кафта миллионнай тиражса изданнай Владимир Ильичъ «Материализм и эмпириокритицизм» трудон. «Что делать» книгас лисеть светс 1.942 тежяты экземпляронъ тиражса. «Шаг вперед, два шага назад» — 1.815 тежянь экземплярса.

(ТАСС).

## Шушенское велесь

1897—1899 кизотненъ В. И. Ленин ульсь ссылкаса сибирский ичкозденъ велеса Шушенскийса.

Великий Октябрьский социалистический революцияда меле Шушенское велесь тиевсь одусе. Юмасть рдазу улъятне, калада куднятне. Синь вастозост строяфт колхозникненди валда кутт и различнай учрежденият: больница, амбулатория, звуковой кино, театр, клуб, средний школа, агрозоотехникум, яслят, идень молочнай кухня и лият. Касы и кемокстай велеть кафта колхозонзон хозяйствасна: Ленинъ лемса и Крупская лемса.

Шушенскийса ащи реставрированнай кудсь, конанъ эса эрясь Ленин. Ты кудть — музейть эса няфневи ся кизотненъ пингонъ скромнай обстановкас — кочкафт мебельсь и вещатне, конатненъ мархта пользовандас Владимир Ильичъ.

В. И. Ленинъ кудонъ — музейц польвовандай оцю популярностьса. Тыза сашендыхъ экскурсантт аф аныцек маластонъ велетненъ и райоттненъ эзда, но и Советский Союзть лия областонзон и республиканзон эзда.

(ТАСС).



# СТРОЯСТЬ ЭРЯФТЬ ИЛЬИЧЕНЬ ЛАЦА

«Мяляфтошь, кельгость, изучайте Ильичть, минь учителенькоть, минь вожденькоть...» (И. СТАЛИН).

Ня валхнень мархта ушеткшневсь Сталин ялгать сёрмац, кона опубликованной «Рабочай газетать» эса сембе миронь трудяйхнень вожденьон В. И. Ленинонь куломанц васенце годовщинастонза.

Ленинонь кулома шистонза сямомь топодсь 17 киза. Тя пингста кассь од поколения, кона нинге ульсь ся пингста, мзярда кулось Ленин, нюрмянса. Но сембе минь народонке—сямомь атятнень эзда и шабатненьди модемс—мяляфтошь, содасазь и кельгсаязь Ленинь. Мзярда ломаттне минь странанькоть сембе ширденза и лия странань трудяйхнен сашендыхть Москву, синь васендакие молихть Мавзолей, штоба няемс Ленинь.

Советский народть и сембе миронь угнетеннайхнен кельгомасна Ленини педтема. Ленини кельгомась воспитан-дашневсьне, организовандакшневсьне, вдохновляет минь странань трудяйхнен од победань сатома, замечательнай тевонь тиема. И тя оцю общечеловеческий кельгомас Ленини минь, кода и сембе тевса, старандатама подражать Сталин ялгати. А Сталинц педтема кельксы и свято чтит Ленинь.

Партийнай съездса, избирателень собранияса, стахановецень совещанияса—сембе вастса, коса ба Сталин ялгась афоль корхта, сон фалу ялфнесы минь учителенькоть Ленинь колга, сонь идеязон колга, азондсы сянь колга, кода минь тюрхтима ленинский заветтнень эряфс ётафтомасон инкса, тернесамаз улемс стама жа бесстрашнайкс, правдивайкс, принципиальнайкс, кода Ленинь, улемс преданнайкс народти, кода Ленин.

Ленин кулось, пожив Ленинизмась—сонь сембода вию, всепобеждающей ученияц, конац валдопнесы тейнек кить коммунизма. Минь странанькоть любовай ужениясонза различнай кяльса лувондыхть минцонк Ленинь. Лувондсаязь Ильичть минь родинанькоть рубежонзон тона боксовок—глухой подпольяса, тюрматнень эса, запрет ала.

Сталин ялгась тонафты минь эсонк настойчивайста тонадоме марксизматленинизмат. Сон постоянна козаконфнесы тя великай ученияц. Исключительнай роль кирнихть марксизматленинизмат развитияса пропагандаса Сталинонь «Вопросы ленинизма» и «Краткий курс истории ВКП(б)» книга-ганза. 1926—40-це кизотнень пингста «Вопросы ленинизма» книга-ганза СССР-са изданнай 37 кяльса, конань общей тиражец 14 миллионда лама экземпляр. Великай сталинский книга-ганза «Краткий курс истории ВКП(б)»—2 кизота минцонк изданнай 57 кяльса 16,5 миллионда лама экземпляронь тиража. Пожалуй, мирса фяквок книжка ашезь соце тяфтама массовой распространения.

Марксонь—Энгельсонь—Ленинонь—Сталинонь идеясна проникают сембе вастова. Сембе вастова минцонк ломаттне тонафнихть синь трудсон, штоба тонадоме применять практикаса революционной теорияц и сатоме коммунизмань полнай победать.

«...Тюрета и сяськондесть вракнень, внутренняйхнен и внешняйхнен,—Ильичть лаца...» (И. СТАЛИН).

Владимир Ильич Ленинц крхкаста кельгозе эсь народонц и ульсь непримиримай рабочей классь и трудовой крестьянствать врагонзонды. Конашкава страстнайста и беспощаднайста сон избобичал сембонь и всяческый предательхнен—народникнень эзда сямомь троцкисттненьди модемс! Конашкава меткайста разил сон сембонь сятнень, кона валса рядилса «наротти другокс» улемаса, а тевса тиендсь измена рабочей классети. Тяфтамкс ульсь меньшевикне и эсерхне.

Кой-кона вракне эпекшнесть большевиконь партияв, штоба потма ширде сонь разложить, дезорганизовать. Тяфтамкс ульсь бухаринецне, троцкистне, зи-

новьевецне. Сембе эряфонц пингста Ленин апац сизьсекторсь большевистский партияц явнай и скрытай врагонзон каршес, сятнень каршес, кие тяряфнесь срафтомс сонь единстванц, подорвать пролетариатц диктатуранц, рабочайн и крестьяноть союзть. Сталин ялгась сёрмадсь: «тюрета и сяськондесть вракнень, внутренняйхнен и внешняйхнен,—Ильичть лаца». И Сталин ялгась эсь деятельности мархта максси тейнек партияц врагонзон каршес тюремаса ленинский принципиальностень и непримиримостень образецт.

Ленинь куломода меле сяка жа ломаттне, конат выступандакшнесть Ленинь каршес сонь эряма пингстонза, витезь эсь вражескый деятельностьсон, макссемок тейнза направления партияц и Ленинь тевонц великай продолжательнц—Сталин ялгать каршес. Синь ёрасть польовандамс Ленинь куломанц мархта, штоба тиемс смятения и замешательства партияц рядонзонды. Но Сталин ялгась маштсь содамост и разоблачить вракнень сембе проиксзон.

Сталин ялгась народонь вракнень каршес тюремаса отстоял и развил сяда тов ленинскый великай теорияц фяк странаса социализмат победанц колга. Сон возглавил и вдохновил минь странань трудяйхнен социализмат инкса практический тюремати.

Сталин ялгась продолжил Ленинь тевонц и аделазе тиемда сянь, мезе Ленин ашезь кенерь тиемс. Советский народсь Сталин ялгать руководстванц ала тиезе социализмат, машфтозе минь странасонк ломаньца ломанень всякай эксплуатацияц.

Сталин ялгать руководстванц ала минь тиеме крупнай передовой индустрия, конац максси тейнек уголь и нефть, кшн и сталь, станокт, машинат, самолетт, тракторхт, танкт, пушкат, снарядт. Сталин ялгать руководстванц ала минь тиесь одукс сире, отсталай велеть, машфтозе кода классонь кулацествать и касфтоме вики колхоз. Минь странаньке кармасть улема козя кшн и овощань ширде, сиволень и понань ширде, хлопкань и пияназонь ширде.

Сталин ялгать руководстванц ала минь вооружили и воспитали славнай Якстерь Армия, кона вики воинский духа и мощнай оружияса. Рабочайн и крестьяноть тя доблестнай армиясь тевса няфтезе, што сон машты побеждать внешняй вракнень стания, кода тиянди тонафтсь Ленин.

Гражданскый войнань кизотнень пингста, 14 державань интервентонь каршес тюремань суровой шитнень пингста, Ленин вешсь якстерьармеецнень эзда, штоба синь ульдыхть вракненьди беспощаднайхть. Владимир Ильич корхтась, например, што польскый шляхтат эряви тонафтоме стания, штоба сон эсь идензонды и уноконзондывок наказальке впредь аф эпекшнемс советский модать ланге. Якстерьармеецне эста пашкодезь Ленинь наказонц—кемоста тонафтозъ шляхтичнень. Минь шинькоть пингста Якстерь Армиясь нинге весть тонафтозень белополякнень, освободиндамок единокровнай братиятнень—украинецнень и белоруснень—шляхецкый ярмоть алда.

Героическый Якстерь Армиясь шавозень внешняй вракнень по-ленински, по-сталински Хасан эрххть видеса, Халхин-Гол лиять видеса, суровой Финляндияса. Якстерь Армиясь тапазень белопиттнень и империалистнень сят соединеннай вийсон, конат макссесть лезке финляндскый буржуазияц.

Мекольдены фяк пале кизотнень пингста капитализмат савсь теснандамс эсь принц и максомс васта социализмат, коса тюрезь, а коса и боебно-апац ушетт. Советский Союзсь освободиндась капиталистическый рабствать эзда 23 миллиотт ломань.

Тяфта побеждали минь и внешняй вракнень Ильичть лаца.

«...Строяда од эряф, од быт, од культура—Ильичть лаца...»

(И. СТАЛИН).

Великай Лениньц путсь советский народть инголи задача аф анычек панеме помещикнень и капиталистнень и араламс при иностраннай интервентонь сворать эзда: эрявсь нинге сатоме и ётамс капиталистическый странатнень экономическый, хозяйственнай ширде, тонадоме работама сяда цебарьста и сяда производительнайста, капитализмат пингста работайхнен корье. Вдь минь работама аф хозяйланге, а эсь лангозонк, эсь советский обществаньконди, эсь социалистическый государстваньконди. Минь странанькоть хозяйствац тиф разумнай, плановай, социалистическый управленияс корья. Ня кизотнень пингста минь тиема и мощнай промышленность и первокласснай механизированнай колхоз. Эрь рабочайсь, эрь колхозниксь должен работама сяда цебарьста, сяда культурнайста, сяда плодотворнайста, кошардоме машинатнень и природат социалистическый обществати макссемс сяда лама, чем синь макссесть капиталисттненьди. Тейнек эряви сяда лама мануфактура, обувь, сяда лама уголь, нефть, модась должен макссемс оцю урожайхть.

Тя тевса культурафтома аш кода улемс. Эряви касфтомс эсь трудонь культурат, путомс знанияц, грамотность, техническый смекалка. Эряви сознательна, коммунистическыйкс ваномс трудти, общественнай долгити, социалистическый собственностти, государственнай интересненьди.

Тяни особенна пяк мариыви общай культурностень касфтомань необходимость. Советский властень кизотнень пингста минь экономиканьке ламода маштсь инголи. Производствань техническый уровень сяда кассь, машинатне вешихть сяда внимательнай и культурнай обращения.

Йофси тяфта жа и колхознай велосовок. Трактористсь, комбайнерсь, агрономсь, зоотехниксь—сембе ня профессиятне вешихть оцю культурность.

Улихть ли минцонк рабочайхнен и колхозникнень ётка тяфтама ломатть? Конешна, улихть. Синь эздост тежятть, сядот тежятть. Лучшайхне синь эздост—Алексей Стаханов, Иван Гудов, Алексей Семиволос, Илларион Янкин, Николай Кравцов, Петр Синяговский, Николай Лукин и промышленностень и транспортонь лама тежятть лия стахановецт, Мария Демченко, Паша Ангелина, Михаил Ефремов, Константин Борин и велень хозяйствань лия лама тежятть стахановецт.

Стахановецне—нят высокая культурань и трудонь ломатть. Нят ломаттне, конат пашкоткшнесазь Ленинонь заветонзон и трудонь производительность касфтоманц колга Сталин ялгать призывонц. А производительнай работась веши оцю организованность, дисциплина, производстваса четкость.

Аш меств грехнень кяшендемс,—минцонк, трудяйца массатнень высокая сознательностьсон мархта фяк пингова, улихть нинге ломатть фабрикачнень, заводтнень и инь пяк колхознень эса, конат корхнихть тяфта: «Сяземс сяда ламоня, а тоса хоть тишевок тязза каса». Нят ломаттне аф шарьхкодсаязь социалистическый обществати интересонзон, минь государстванькоть интересонзон. Синь ускыхть эсь мелгацт капитализмань пережиткань груз, синь дезорганизуют производствать, синь кандыхть вред социалистическый хозяйствати.

Вов мезенька трудонь оцю производительность, высокая культурась предполагают железнай дисциплина и решительнай тюрема производствань дезорганизаторхнен каршес. Сталин ялгась тонафты минь народонькоть и постоянна веши сембе трудяйхнен ширде оцю организованность, мобилизованность.

Советский правительствать меропрятинза, конат направленихть тру-

донь дисциплинать кемокстаманцы, макссесазь эсь плодсон. Однака тя минь не может успокоендамс. Минь должеттама стреминдамс нинге сяда оцю организованностти, производстваса четкостти и дисциплинати. Минь должеттама сатомс техническый прогрессонь од оцю высотатнень, нинге сяда вишкста развивать минь социалистическый индустриянькоть, штоба ётамс капиталистическый странатнень и экономикань ширдеков.

Анокламок XVIII-це Всесоюзнай партконференцияц васьфтеманцы, минь странань трудяйхне отмечают тя знаменательнай датать производственнай од победаса, стахановскый движениань, социалистическый соревнованиань од подъема.

Минь общай задачаньке—сувафтомс стахановскый трудонь способнень производствань сембе отраслятненьди. Кармай улема сяда лама стахановецт—кармай улема сяда лама товар и продукта, сяда лама самолетта, танкада, корабляда, сяда кемья кармай улема минь странаньке, нинге сяда грознайкс сон арай вракненьди.

Ленин тонафнемазь минь аф анычек трудонь и строительствань культуратти, но и бытонь культуратти. Культурность—тя чистоплотность производстваса и кудса. Ленин мечтал эрь крестьянскый кудса электролампочкаты колга. Тя мечтась ётафневи эряфс пяк кели размерса. «Ильичть лампочкац» должен валдопнемс аф рдиз и бескультурия, а чистай, опрятнай квартират. Тиемс од быт, од культура Ильичть коряс—значит эрямс и трудендамс, использовандамок наукать, знаниятнень стания, штоба кандомс инь оцю польза родинати и ломаттненьди.

«...Мзярдонга тядь атказакшнне работаса ёмланять эзда, иба ёмланять эзда тиеви оцюсь,—тиянь эса ащи Ильичть фяк инь важнейшай заветонц»

(И. СТАЛИН).

Минь родинанькоть несокрушимай виец ащи сянь эса, што минь марса сембе тихтама фяк общай оцю тев. Йомла тевнять эзда, конань тиендсы кажнайсь минь эздонк, тиеви коммунизмат великай зданияц. Вов тиянса эрь трудс минцонк пяк важнай, а эрь трудовой ломань почотса.

Казанскый машинакинь рабочайхнен ёлма починцон эзда, конат 1919-це кизоня тисть субботник, работамок сверхурочна государствать пользас, кассь социалистическый соревнованиань оцю тев.

Ленин няезе тя починть и макссь тейнза ход. Йофси тяфта жа Сталин ялгась отметил стахановскый движениань васенце зачинательхнен трудовой подвигонц. Азондосе сонь значениянц, поддержал сонь, и нюрхьяне пингста сон фатясь минь странасонк миллиотт рабочай и крестьян.

Мзярда Стаханов суvasь шахтав, сянь инкса, штоба установиндамс эсь историческый рекордонц, сон изь думанда оцю значениянц колга, минь сембе индустриянконди тя тевть огромнай последствиянзон колга. Сон тийсь сонценъ ёлма тевонц—стреминдась пашкодемс планонц. А лиссь общай государственный значениянц оцю тев. Вов яркай образец сянди, кода ёлма тевнять эзда шаченды оцю, великай тев! И тяфтама примерда минь эряфонк тежятть.

Сявомс хотя ба ферганецнень опытсон. Башка аф оцю каналонь строямань строительствать эзда,—ёлма тевняста—синь ётасть Большой Ферганскый каналть строяманцы, конац шарфнесыне коське модань сядот тежятть гектархнен панжи садкс. Ферганецнень опытсон фатязе марнек странась.

Тяфта минь пашкоткшнесазь Ильичть и тя важнай заветонц. Ленинь великай другонц и тевонь продолжательнц—Сталин ялгать руководстванц ала минь строятама эсь павазу, минценъ од, социалистическый эряфонк—Ильичть лаца.

Б. Ивантер.



# СССР-нь Верховнай Советть

## Президиумонц Указоц

**Башка избирательнай округнень эзга СССР-нь Верховнай Совету депутатонь кочкаматнень пингста избирательнай кампаниянь срукть колга**

1. Ладамс, што башка избирательнай округнень эзга СССР-нь Верховнай Совету депутатонь кочкаматнень этафтomasон пингста избирательнай кампаниянь должен ушedomс тя избирательнай округть эса выборынь шида фкя кожда инголе, кафта кофнень васте, конат предусмотреннайхть общай выборынendi «СССР-нь Верховнай Совету кочкаматнень колга положенийть» эса.

Тянь коряс:

а) избирателень спискатнень сембонди ванондомс трудящайнь депутатонь соответствующай Советтне повфнесазь 20 шида кочкамда инголе;

б) избирательнай участкатнень образовандамасна и Участковай избирательнай комиссиятнень утвержденисна этафтневи аф сяда поздна, чем 25 шида, а Окружной избирательнай комиссиятнень утвержденисна—аф сяда поздна, чем 28 шида кочкамда инголе;

в) СССР-нь Верховнай Совету депутатонди кандидатне регистрированда-

вixть Окружной избирательнай комиссиятнень эса аф сяда поздна, чем 15 шида кочкамда инголе, а депутатонди регистрировандаф кандидатть колга даннайхне и общественной организациатнень наименованиясна, конат выдвинули кандидатть, печатлакшневихть аф сяда поздна, чем 12 шида кочкамда инголе.

2. «СССР-нь Верховнай Совету кочкаматнень колга положенийть» 76-це и 89-це статьянзон полафтомок, ладамс, што голосовандамста бюллететтнень полдамасна этафтневи конвертфтома и вайгялхнень лувомасна мольфтеви счетнай листфтома.

СССР-нь Верховнай Советть Президиумонц председателец

М. КАЛИНИН.

СССР-нь Верховнай Советть Президиумонц секретарец

А. ГОРКИН.

Моску, Кремль. 1940 кизонь ноябрь 11-це шистонза.

## СССР-нь Верховнай Советть Президиумонц УКАЗОЦ

**Саранский городской 422-це № избирательнай округть эзда Национальностень Совету депутатонь кочкама шить колга**

1. Назначить Саранский городской 422-це № избирательнай округть эзда Национальностень Совету депутатонь кочкаматнень 1941 кизонь февральть

23-це шистонза.

2. Азомс тя округть эса избирательнай кампаниянь ушedomанц 1941 кизонь январь 23-це шистонза сязомок.

СССР-нь Верховнай Советть Президиумонц председателец М. КАЛИНИН.

СССР-нь Верховнай Советть Президиумонц секретарец А. ГОРКИН.

Моску, Кремль.

1941 кизонь январь 8-це шистонза.

## Избирательхнень сведенияс

Национальностень Совету кочкамань Саранский городской 422 № избирательнай округти сүвсихть: Саранск

ошсь и Лямбирский, Ст.-Шайговский и Мельцанский райоттне.

## „НА ШТУРМ“ ИГРАСТА

«На штурм» военнай игрась, кода содаф, арась сембе советский школьникенди фкя инь кельгови и увлекательнай тевкс. Советский юнай патриоттне оцю интерес мархта примосихть участия тя кельговикс играса. Сон воспитывает идьскиге синь эзоствоеннай тевонь кельгома, смелость и мужества, календай эсост любовай климатический условияс выносливость и бесстрашия. «На штурм» игрась тяни распротраеннай сембе советский школатнень эса. И лама школань ученикт ни сонь налхкозь тялонь каникулхнень пингста.

Ачадовань средний школань ученикне «На штурм» играти анокламаса этафтсть деятельнай оцю работа. Ученикне аф кирдемшка учеть ся шить эса, мязрда ушеды тя играть практически этафтомац. Эрь ученикс, конань ульсь мялец, примамс участия «На штурм» играса, аноклась эсь пингова сянь, мезе тейнза эряви.

Январь 9-це шини самс синь тисть станковой пулеметт, ручной пулеметт, винтовкат и анокласть противогаст. Юнармеецне тонафнесь теоретически тактический занятиятнень и ст. тов.

Январь 10-це шинц. Юнармеецне шобдава ранакиге пуромсть школав, коса Ермошкин ялгать руководствани вельде, явфт ученикне наступающей и оборонительнай лагерсь. Лиякс мязргомс «Южнай» командась—наступательнай, «Севернайсь»—оборонительнай.

Командатне ульсь строяфт. «Южнай» наступательнай командаса ульсь 40 юнармеец. «Севернайсь»—оборонительнайса—20 юнармеец. Наступательнай командать лангса командовандась 9-це классонь ученикс Володя Донакинц, «Севернай» командать мархта командовандась 10-це классонь ученикс Кузьма Муравьевсь. «Южнай» командась победил «Севернай» командать. Налхкомань результаттне цебарьхть.

Юнармеецне цебарьста содазь военнай тевть, кода маскировать, перебежкать, цебарьста овладевали оружиеятнень мархта, отличнай дисциплинасна. Налхкомать пингста ульсь лама колхозникт и колхозницат, конат ванондсть юнармеецнень увлекательнай играсон лангс.

Ф. Бикеев.

Ширингушский район.

## КЕЛЬГОМА ДИСЦИПЛИНАНЪКЕ

Алгебрась—минь классонь ученикнень инь увлекательнай дисциплинасна. Преподавательсь Воскресенский ялгась, максеомок шарьхкодевиса тя дисциплинировать коряс программнай материалть, тиезе алгебрать инь интереснайкс ученикнendi.

Школань ученикне саявь эсь лангзост обязательства: сатомс аныцек отличнай и цебарь отметнат. Синь увереннайхть, што тя обязательствасна ули пашкотьф честь мархта.

В. Лобанов.

Кадешкинский район.



Советский од республикатнень и областтнень эса «СССР-нь» Верховнай Совету депутатонь кочкамась—январь 12-це шистонза 1941 кизоня. СНИМКАСА: Каплевка велень избирательнай участкаса (Хотинский район Черновицкой области, Украинский ССР) бывшай бедняксь комсомолецъ И. А. Савчук (вержи ширеса) поддасы избирательнай бюллетененц урнав. Фотось Н. Бодэть (Фотось ТАСС-ть).

## ЯКСТЕРЬ АРМИЯТЬ XXIII ГОДОВЩИНАНЦ ЛЕМСА ЛЫЖНАЙ КОМСОМОЛЬСКИЙ КРОССТЪ ЙОТАФТОМАНЦ КОРЯС ВЛКСМ-нь ОБКОМТЬ ВИДЕСА ОРГКОМИТЕТСА

Январь 17-це шистонза оргкомитесь эсь заседаниясонза кулхкондонень ВЛКСМ-нь Торбеевский, Рузаевский райкомонь секретарьхнень, военно-физкультурнай комиссиянь председателхнень докладсон Якстерь Армиять XXIII годовщинуанц лемса лыжнай комсомольский кроссти анокламать колга.

Оргкомитесь отметил, што ВЛКСМ-нь Торбеевский и Рузаевский райкомтне (секретарьхне Степашкин, Чижова ялгатне) лафцета вятихть руководства анокламань работат лангса.

Торбеевский районца сембонц комсомолецта 1.700 ломань, а командаса фатяфт синь 33 процентсна. Рузаевский районца 1146 комсомолецт эзда командас фатяфт 325 комсомолец. Тядонга калдявста тевсь ащи тренировочнай минимумть этамаса, конань суне-

да Торбеевский районца зыцек 48 комсомолец максозь лыжас коря ГТО-нь комплексе норматнень, а Рузаевский районца—24 ломань.

Ня райкомтне и военно-физкультурнай комиссиятне ашесь организованда медицинский освидетельствованийть этаманц.

Оргкомитесь указал ВЛКСМ-нь райкомонь секретарьхнendi Степашкин и Чижова ялгатнendi синь аф удовлетворительнай работасон лангс лыжнай комсомольский кроссти анокламать коряс.

Оргкомитесь тяфтажа обязал январь 30 шинцты цебарьгофтомс тя работат и обеспечиндамс кросса комсомолецнень активнай участиясон. Январь 31 шинцты доложить оргкомитетти тя решениять пишведоманц колга.

## ШКОЛЬНИКНЕ ЛЫЖА И КОНЬКА ЛАНГСОТ

Отличнайста и цебарьста тонафнемок школаса, пашкотькшнемок аккуратнайста куду максф заданиятнень, М. Корина велень аф полнай средний школань ученикне культурнайста организовандакшнесазь эсь свободнай пингсон этафтомац. Старшай классонь ученикне коллективна якайхть лыжаса, конькаса курькснема.

Тяда башка, аф шуроста эрьсикхть самодеятельностень вечерхт, коса ученикне выступают декламациянь азондомаса, морсикхть морхт, путневикхть постановкат.

Туштринов,  
Тикишкин.

Пурдошанский район.

## ПОЛУЧАКШНЕТЯМА ПРОЧНАЙ ЗНАНИЯТ

Эста пара мялестка, мязрда цебарьста шарьхкодсак урокеа азонфт материалть. Мон тонафнян Од Выселка велень средний школать сисемце классонза. Тейне сембодонга кельговикхть мохшень калыса урокне. Моедйнь арам, тя кельгомась ученикнень ширде пик ламода зависит сян эзда, кие урокеа излагает материалть—преподаватель эзда. Кда преподавательсь

живойста и интереснайста строясь урокнц, мязрдонга мальце аф моли.

Тяфта мовшень калень преподавателеньке Л. Ф. Макулов пик интереснайста излагает материалть и сяс ученикне кулхконткшникхть оцю мялесь и получакишникхть тя дисциплинировать коряс глубокай знания.

7-це классонь ученикс Н. Д. Учасев. Зубово-Полянскый район.



## КАЛТЬ ЛАНГСА ОПЫТСЬ И НАБЛЮДЕНИЯСЬ

Мамолаевский средний школань юннатне—зоолокне тисть интереснай опыт и наблюдения калть лангса. Синь сивствьт аквариумста голец—калня. Курокста васембеелса кярэзь плавниконзон, кода копорьста и пулоста аф парнайхнен, тяфта и мяштьста и пекстонза парнайхнен. Туда меле подазь меки аквариумти. Тяся сон кармась уендема пик страннайста и неуклюжайста.

Васендакиге сон кармась уендема аф вярй или кучкаса, а эхень потмакса. Мярда сонь тревожазь, то валомня кеподьс уезь вярй и тика пингть копоренц шарфнезе алу, а пеконц вярй.

Омбоцесь,—движения сонь ульсь аф вишке и аф ловкай, аф кодама ульсь пинголи.

Голець вишкесть мянцезе теланц, конанц ашельхть плавниконь конечностенза. Но аф ваномок тьян лангс, голець всетаки шашнесь, но шашнесь валомне, аф кода сят голецне, конатненъ алак керхть плавниксна.

Тя опытьс няфтезе юннатненди, што калти плавникне ашихть движениянь и равновесиянь важнейшай органке.

Г. Н. Клоков.

Рыбинский район.

## Путат труд— трудошись утай пуд

Тяни тя поговоркась колхознай павазу и зажиточнай эряфса ащи трудовой деятельность колга эрь корхтаматинь кельговикс ушеткске. Да ащ кода аф улемека. Вдь колхознай эряфса лама кизонь трудовой опытьс няфтезе, што трудошись утай пуд анык эста, мярда эсь пингстонза колхозникне аноклайхть тундань видемати.

Тяфтама мечтасна «Горный» колхозонь колхозникнен. Именна тяфтане мяльсна получаме эрь трудошити ламоне сёра. «Горный» колхозонь колхозникне аделазь вельхозмашинань и инвентарень ремонтировандамат, сортировандайхть видмонь фондснот, уксихть паксав назепт и 45 гектар лангс кирдсть ни лов. Ловонь кирдемась моли тининге.

«Горный» колхозонь колхозникне решили аделаме тундань видемати анокламати XVIII-це партконференция пажема шинцы марнек.

Д. Ефимкин.

Краснослободский район.

## ОТЛИЧНАЙСТА ТОНАФНЕМАТЬ ИНКСА

Эрь школьный комсомольский организациятне васень задачкас ащи отличнайста и цебарьста тонафнемат инкса, кеме дисциплинировать сатоманц инкса тюремась. Тянь аф калдывста шарьхкодезе Саранск ошень 9-це № школань первичнай комсомольский организациятне.

Комсомольский и пионерский организациятне лезксенон вельде школась тонафнема кизоть васенце полугодиятне сатсь 88,8 процентнай успеваемость. Комсомолецне и пионерхне эсь примерснот мархта мобилизовандакшнесь сембе школьникненъ цебарьста тонафнемати. Тя няеви сянъ эзда, што комсомолецненъ успеваемостьна васенце полугодияста 91,9 процент, пионерхненъ—90 процент.

Тонафнемань тевса образец няфни комсомолонь комитетть секретарец Калинин Вилиаминь. Сон, аф ваномок оцю общественной работанц лангс, тонафни анык отличнайста. 63 комсомолец эзда Молдавина, Селякина, Белкова, Скворцов и иля комсомолецне тонафнихть анык отличнайста и цебарьста. Няг жа ялгатне лувондовихть активнай общественникке. Виде, оцю аф сатыкске ащи ся, што нинге тачимс кой-кона комсомолецне лувондовихть отстаючайкс. Синь эздот комсомольский организацияс лувондови вете. Ламоснон калдыфт отметкас на рузонь кяльса. Комсомолонь комитетсь примесыне сембе мератненъ сянди, штоба синь тя дисциплинировать коряс колмоце четвертьста получалхть цебарь и отличнай отметкат. Тяниень пингть ладяф отстаючайхненди лезксонь максомась, этафневихть мархтост дополнительной занятия.

Пионерхне ашихть активнай помощникке комсомольский организацияти. Лама пионер тонафнема тевса и дисциплина няфнихть отличнай примерхт. Тяфта например, Нагорнова

Настась (5-це эрзянский класс), Захаркина, Мурзакаева Клавдия (7-це мокшанский класс), Чембулатова Пашась и лама лия пионерхт и пионеркат тонафнема кизоть васенце полугодиянц аделазь анык отличнайста. Улихть отрятт, конат сатсь 100 процентнай успеваемость. Васенце отрядонь пионерхненъ эзда кинге аш калдыв отметка.

Оцю работа этафнихть комсомольский и пионерский организациятне и дисциплинировать кемокстамаса. Аф сатыксне, конат мушендсть эстейст васта этай тонафнема кизоть, тьяни ашет. Сознательнай дисциплинировать сатомаса важнай условияс ашихть различнай мероприятия этафтомась, общественной работась и идень самодеятельность.

Ня кизефксненъ коряс этафть оцю работа. Пионерский организацияс регулярнайса, ковти кафкеть, этафневихть отряднай сборхт, конатненъ эса уленихть беседат различнай интереснай темас, тиендехихть декламацият, играт и стак тов. Итне эсь сборснот эса знакомондакшнихть международнай положениянь мархта, оцю мяльса кулхонткшнихть беседат замечательнай ломаттненъ эряфснот колга. Сембось тя ащи важнайкс воспитаниянь тевса.

Цебарьста работайхть добровольнай кружокне. Драматический кружокса, коса руководителькс ащи учительница Нина Дмитриевна Ипполитовась, цебарьста ладязе работат. Антирелигиознай вечерса драмкружоконь четтне аф калдывста путнезь «Перет Божий» пьесат.

Аш сомнения, што комсомольский организациясь, вишкотеком социалистический соревнованиять XVIII партийнай конференцият лемс, саты нинге сяда оцю сатфкт тонафнема кизоть колмоце четвертьстонза.

И. Белов.

## ЧЕСТНАЙ КОЛХОЗНИК

Кудашкин Никит, Кудашкин Яков, Максимкин Илларион и Маскайкин Никит ялгатне аф анык ударник работаса, но и государстват инголе эсь обязательстваснот пашкодемасонга ашихть примеркс Масканя велень сембе эряйхненди. Синь мельгасть аф лувондови аф трешник государственнай ярмак,

аф грамма сиволь и лия кодамовок долг.

Сембе вастса честнай и добросовестнай отношениясь—вов мезьса характеризуются нят социалистический хозяйствань труженникне.

Ф. Кудашкин.

Ст.-Синдровский район.

## Боевойста анокламс РККА-в очередной призывти

Арамс боецке доблестнай Якстерь Армияньконь, могучай Военно-Морской Флотоньконь рядсноты—эрь од ломанть заветнай мечтац. Синь эздот кажнайсь Рабоче-Крестьянский Якстерь Армияв очередной призывонь шить эса учи оцю радостень волненияса.

Тяникиге ни эрь допризывникс эсь прынц должен терпеливайста анокламс Якстерь Армияс служамати.

ВЛКСМ-нь горкомтненъ и райкомтненъ видеса военно-физкультурнай работат коряс комиссиятне и первичнай комсомольский организациятне должетт од ломаттненъ, призывникненъ знакоминдакшнемс современной боевой техника мархта, няфнемс теист живой, конкретнай примерса современной войскань выучкаты сембе сложностенц, азондоме теист физический культурань оцю обороннай значениянц. Од ломаттне должетт цебарьста шарьхкодеме, што отличнай военнай выучкась сатневи физический закалка и упорнайста тонафнемат вельде.

Тонафнемок русский народть героиче

ческий прошлайнц, эряви глубокайста знакоминдамс сонь храбрай полководцонзон—Суворовть, Кутузовть и илятненъ славнай подвигонзон мархта.

Военно-физкультурнай комиссиятне и первичнай комсомольский организациятне обязатт колхозса, совхозса и иля производстватненъ эса этафнемс призывникненъ собраният, конатненъ эса эрявихть тиендеме Якстерь Армияньконь героический тюремань кинц колга долатт и беседат, призывникненди тяфтажа азонткшнемс Рабоче-Крестьянский Якстерь Армиять организаторзон и вождензон—Ворошиловть, Тимошенкоть, Буденнайть, Куликт эряфснот и боевой киснон колга. Туда башка эряви келиста практиковандакшнемс Якстерь Армиянь командирхненъ и бойнь героихненъ мархта васеткшнемань этафнемат.

Якстерь Армияньке тядде должен получаме сембе ширде подготовленнай поплнения, а тя комсомольский организациятненъ эзда васендакиге веши упорнай, настойчивай, терпеливай работа.

Но сави отметить, што ВЛКСМ-нь аф кржа райкомт (С.-Шайговань, С.-Синдровань, Ладань) 1922—1923 кизоня шачф од ломаттненъ эткса аф вятихть пцтай кодамовок воспитательнай работа.

Комсомолонь райкомтне должетт сатоме сян, штоба эрь призывникс цебарьста владел лыжнай спортть мархта. Комсомольский организациятне обязатт алак лотксек работамс призывникненъ эткса аф грамотность и малограмотность машфтома тевсовок.

Эряви оцю работа этафтомс призывникненъ-производственникненъ эткса, и сатоме сян, штоба синь производстваса работакшнелхть анык стахановецке.

Сембе ширде подготовленнай боецонь воспитандамаса пик оцю ролец школат. Эрь комсомольский организациятне и школат задачасна ашихть сян эса, штоба кажнай призывникс анокламс полноценнай боецке. Така пингста эрь призывникс должен отлична анокламс сянди, штоба, самок Якстерь Армиять боевой рядонзонды, оправдандамс Ленинонь—Сталинонь партият, народть высокай доверияснот.

Драняев.

## ЧЕРЧИЛЛЬТЬ РЕЧЕЦ

Январь 17-це шистонза азсь речь английский премьер-министрь Черчилль. Сон азозе: тейнек грозий сяда аф серьезнай опасность, чем ся, конань минь кирдеск, но инь аф оцю небрежностень сюнеда сон можетарамс роковойкс и смертельнайкс. Нинге лама ковоень пинге кармайхть тиендевома бомбардировкат минь ошеньконди и промьшленнай центраньконди. Ня бомбардировкатненди тейнек аф ули кода отвечамс равнайста. Тейнек савихть кирдемс испытаният и страданият.

Потамок Англияв вторжениять возмозностенц колга кизефксти, Черчилль азозе, што Англиять улихть виш укреплениянза эсь берягонзон кувалмос и ули тьяниень пингть острофнень эса мощнай армияц, кона способнай наступать и этамс контратакас врагть каршес, конанди кда удалалъ ба временна валхтомс десант английский территориять лангс. Сембесяка, корхтай Черчилль, Германиять улихть тьяниень пингть пик оцю возмозностенза Англиять лангс наступлениянди.

Корхтамок востокса англо-итальянский войнаты колга, Черчилль мярьгсь, што тьяниень пингть самс англичаттне сявствьт пленц 80 тэжянь итальянец и срафствьт 8 или 9 цебарьста вооруженнай итальянский дивизият.

Лятфтамок сян колга, што Англиясь может кирдемс 1941 кизонь трудностненъ каршес, Черчилль мярьгсь:

— Минь нинге ащетиам частична вооруженнай нациякс, но 1941 кизоть пингста минь постепенна араатам цебарьста вооруженнай нациякс и тюремась кармай молема сяда равнай условияс. (ТАСС).

## Средиземнай морять бассейнаса военной действиятне

Албанияса фронттненъ эса общай обстановкас, нейтральной корреспонденттненъ валснот коряс, арась благоприятнайкс грекненди. Кафцьке ширетне аноклайхть решительнай действияс.

Ливияса молихть песчаннай виш бурят. Синь шорсихть Тобрукть штурманиты англичаттненъ анокламасноты. Кода паффнесы английский печатсь, Тобрукти сембе китне ашихть англичаттненъ кядьса.

Рейтер агентствась корхтай, што Средиземнай моряса обстановкас полафтьс сьс, местоса ушедсть операциянь мольфема германский воздушнай вишхне. Однако, сяда тов корхтай агентствась, английский военно-морской крукне увереннайхть сян колга, што англичаттненди удалай сяськомс опасность, конань тиезе Германиясь.

Мекольденъ шитненъ германский авиациясь бомбардировандазень военнай объекттненъ Суэцкай каналть районца, Египетса и Мальта островса. (ТАСС).

## ТАИСЬ И ФРАНЦУЗСКАЙ ИНДО-КИТАИСЬ

Иностраннай печатсь паффни куля Тайнь и Французский Индо-Китайнь границаты лангса од столкновениятненъ колга. Сражениятненъ эса участвовандайхть пехотась, кавалериясь, танкатне и авиациясь. Молихть бойхть и морясонга. Кода паффнесы Юнайтед Пресс агентствась, январь 17-це шистонза морской сражениять пингста ульсь ваяфть Тайнь миноносец. Тайнь самолеттне и военнай корабльхне тисть повреждения французский суднатненди.

Тайнь войскактне занясть кой-кодама райотт Индо-Китайса. (ТАСС).

Врид. ответ. редакторсь Дм. РОДИН.